



## Concello de Monterrei

---

### EDICTO

Anuncio de convocatoria pública de axudas para a adquisición de libros e material escolar para o curso 2019-2020, aprobadas por acordo da Xunta de Goberno Local do 13 de setembro do 2019:

### BASES REGULADORAS DA CONVOCATORIA DE AXUDAS PARA A ADQUISICIÓN DE LIBROS E MATERIAL ESCOLAR PARA O CURSO 2019/2020

#### Primeira. Obxecto da convocatoria

Esta convocatoria ten por finalidade a concesión de subvencións a familias do concello de Monterrei que acudan os seus fillos e fillas a centros docentes públicos de educación infantil (segunda etapa) e educación primaria para o curso 2019/2020.

#### Segunda. Beneficiarios

As familias dos/as alumnos/as que estean matriculados/as no curso 2019/2020 no nivel de educación infantil (segunda etapa) e educación primaria.

#### Terceira. Requisitos dos solicitantes

As axudas poderán ser solicitadas polas familias dos alumnos/as que cumpran os seguintes requisitos:

1. Estar todos os membros da unidade familiar (pai, nai ou titor/a ou persoa adxudicataria en sistemas de acollemento familiar e fillos) empadroados no Concello de Monterrei, antes do día 1 de setembro de 2019.
2. Estar matriculado/a no nivel de infantil, nos seguintes centros escolares:
  - CEIP de Medeiros
  - CRA de Monterrei
  - Noutros centros escolares públicos da comarca.
3. Non exceder o máximo de ingresos segundo estas bases. Enténdese por renda per cápita a renda familiar do ano 2018 dividida entre o número de membros da unidade familiar.
4. Os/as beneficiarios/as deben comunicarlle ao Concello a obtención doutras axudas para a mesma finalidade.
5. Estar ao corrente no pagamento de todos os tributos e taxas municipais.
6. Non estar incurso nas prohibicións para obter a condición de beneficiario segundo o artigo 10 da Lei 9/2007, do 13 de xuño, de subvencións de Galicia.

#### Cuarta. Financiamento da convocatoria

---

### Concello de Monterrei

Rúa Fontiñas, núm 2, Monterrei. 32618 (Ourense). Tfno. 988418002. Fax: 988425700





## Concello de Monterrei

---

As concesións das axudas reguladas nesta orde serán atendidasn con cargo á aplicación orzamentaria 326.480 do exercicio 2019, que conta cun orzamento de 3.000 €.

### Quinta. Contía e límites

As axudas municipais escolares son incompatibles con calquera outra axuda, para a mesma finalidade, de organismos públicos ou privados, comprometéndose o solicitante a comunicar ou reintegrar o concedido polo Concello de Monterrei no caso de ter percibida outra axuda para o mesmo gasto. Estarán exentas desta incompatibilidade as familias monoparentais, familias numerosas, persoas en exclusión social e vítimas de violencia de xénero e terrorismo, debidamente acreditadas.

Os/as beneficiarios/as poderán recibir como máximo as seguintes contías, en función das solicitudes presentadas e ata esgotar o crédito orzamentado:

#### Educación infantil:

- Renda per cápita familiar ata 5.400 €: ata 125 €
- Renda per cápita familiar dende 5.401,00 € ata 9.000,00 €: ata 75 €

#### Educación primaria:

- Renda per cápita familiar ata 5.400 €: ata 100€
- Renda per cápita familiar dende 5.401,00 € ata 9.000,00 €: ata 50 €

### Sexta. Solicitud e documentación para achegar

1. As solicitudes presentaranse no Concello nos modelos facilitados para o efecto.
2. As solicitudes (debidamente cubertas e asinadas) deberán ir acompañadas da seguinte documentación:
  - Certificado ou informe do centro escolar onde os/as alumnos/as realicen estudos no que se especifique o curso onde están matriculados.
  - Certificado ou informe do centro escolar conforme recibiron axudas, a súa cantidade, ou se polo contrario non percibiron ningunha.
  - Fotocopia do DNI do/a solicitante, pai, nai, titor/a ou persoa adxudicataria en sistemas de acollemento familiar.
  - Fotocopia do libro de familia
  - Certificado de convivencia
  - Fotocopia compulsada da declaración da renda e patrimonio ou documento acreditativo de non estar obrigado/a a facela (certificado de imputacións) referida ao ano 2018. No caso de traballar e non ter a obriga de presentar a declaración da renda,

---

## Concello de Monterrei

Rúa Fontiñas, núm 2, Monterrei. 32618 (Ourense). Tfno. 988418002. Fax: 988425700



Cod. Validación: 56C3N79H7KPHSYAJ5LCYMSL7S | Corrección: <http://monterrei.sedelectronica.es/>  
Documento asinado electronicamente desde a plataforma xestiona esPublico | Páxina 2 a 10



## Concello de Monterrei

---

deberase achegar certificado da empresa correspondente ao exercicio 2018 e calquera outro xustificante das rendas obtidas (certificado da Seguridade Social ou do organismo correspondente, no caso de percibir algunha prestación: prestación por desemprego, RISGA, pensión non contributiva...)

No caso de que algún membro da unidade familiar estivese en situación de desemprego durante o ano 2018 e non percibise ningún tipo de prestación nin subsidio, deberá achegar o correspondente certificado que acredite tales feitos.

Os emigrantes e inmigrantes deberán presentar unha certificación dos ingresos obtidos no ano 2018 no país correspondente, cun informe bancario sobre a cotización media da moeda do dito país nese ano. No caso de estar un membro do matrimonio no estranxeiro e outro retornado deben igualmente acreditar os ingresos obtidos no ano 2018, mediante certificacións oficiais.

- No caso de separación ou divorcio, deberán achegar o documento que o acredite. Se non percibe pensión alimenticia ou compensatoria, a denuncia do incumprimento da sentenza.

### Sétima. Lugar e prazo de presentación

A solicitude presentarase no Rexistro Xeral do Concello de Monterrei, ou en calquera das formas previstas no artigo 16 da Lei 39/2015, do 1 de outubro, do procedemento administrativo común das administracións públicas.

O prazo da presentación será de 30 días naturais, contados dende o día seguinte á súa publicación no Boletín Oficial da Provincia de Ourense. Publicarase tamén no taboleiro de anuncios do concello de Monterrei, así como na páxina web municipal.

### Oitava. Emenda da solicitude

Segundo o establecido no artigo 68 da Lei 39/2015, do 1 de outubro, se a solicitude de iniciación non reúne os requisitos que sinala o artigo 66 e, de ser o caso, os que sinala o artigo 67 ou outros esixidos pola lexislación específica aplicable, requiriráselle ao interesado para que, nun prazo de dez días, emende a falta ou achegue os documentos preceptivos, con indicación de que se así non o fixese se lle terá por desistido do seu pedimento.

### Novena. Comisión Técnica de Avaliación

A Comisión Técnica de Avaliación estará formada por:

- Presidente: o alcalde do concello ou persoa na que delegue.
- Vogais: traballadora social, educadora social e secretario do concello, ou persoas que os substitúan.
- Secretario/a: auxiliar administrativo do concello ou persoa que o/a substitúa.

### Décima. Criterios de valoración

---

## Concello de Monterrei

Rúa Fontiñas, núm 2, Monterrei. 32618 (Ourense). Tfno. 988418002. Fax: 988425700



Cod. Validación: 56C3N79H7KPHSYAJSJC.YMSL7S | Corrección: <http://monterrei.sedelectronica.es/>  
Documento asinado electronicamente desde a plataforma xestiona esPublico | Páxina 3 a 10



## Concello de Monterrei

---

As solicitudes valoraranse tendo en conta a renda per cápita dos compoñentes da unidade familiar do ano 2018, entendendo por unidade familiar:

- A persoa solicitante.
- O seu cónxuxe, se non media nulidade, separación ou divorcio, ou a persoa coa que conviva como parella de feito de xeito habitual, sempre e cando a persoa solicitante non sexa vítima de violencia contra as mulleres e acredite esta situación.
- Os fillos ou fillas menores de idade, con excepción dos emancipados. Terán a mesma consideración os/as fillos/as en situación de tutela ou acollemento familiar permanente ou preadoptivos legalmente constituída.
- Os fillos ou fillas maiores de idade con discapacidade física, psíquica ou sensorial ou incapacitados xudicialmente, suxeitos á patria potestade prorrogada ou rehabilitada.
- Os fillos ou fillas solteiros menores de vinte e cinco anos e que convivan no domicilio familiar.

A renda familiar obterase por agregación das rendas de cada un dos membros computables que obteñan ingresos de calquera natureza, de conformidade coa normativa reguladora do imposto sobre a renda das persoas físicas. Os membros da unidade familiar que presentaran declaración do imposto sobre a renda de 2018 para os efectos do cálculo da renda familiar sumarán os recadros 435 (base imponible xeral) e 460 (base imponible do aforro) da declaración da renda.

No caso de non presentar declaración da renda, teranse en conta os ingresos netos de todos os membros computables da unidade familiar con presentación de declaración responsable e a documentación requirida na base sexta.

Para os efectos do cálculo da renda per cápita, computarán por dous os membros da unidade familiar cunha discapacidade recoñecida entre o 33% e o 65%, que acrediten unha pensión de incapacidade permanente nos graos de total, absoluta ou grande invalidez ou que teñan recoñecida a condición de pensionista de clases pasivas cunha pensión de xubilación ou retiro por incapacidade permanente para o servizo ou inutilidade.

No caso de que a discapacidade sexa superior ao 65%, este membro computará por tres.

No caso de familias monoparentais, computaranse un membro máis.

Terá a consideración de membro computable o novo cónxuxe ou persoa unida por análoga relación, e as rendas incluíranse no cómputo da unidade familiar.

No caso de separación ou divorcio dos proxenitores con custodia compartida acreditada mediante sentenza xudicial, as rendas de ambos os dous proxenitores incluíranse dentro do cómputo da unidade familiar. Acreditarase mediante: documentación do xulgado sobre pensión de alimentos ou exercicio ou non de accións legais para a obtención desta. Sentenza de separación/divorcio, convenio regulador ou resolución de medidas paterno-filiais. De non teren exercitado legalmente a procura

---

## Concello de Monterrei





## Concello de Monterrei

---

destes dereitos, deberán achegar os ingresos dos proxenitores, respecto dos fillos recoñecidos no libro de familia.

A axuda concederánselles a todos/as os/as solicitantes que cumpran os requisitos mencionados no apartado de beneficiarios ata esgotar a partida orzamentaria. No suposto de que o número de solicitudes supere a consignación orzamentaria, quedarán excluídas/lista de espera as familias cuxo nivel de renda sexa superior ou teña menor puntuación.

### Décimo primeira. Resolución e avaliación das propostas

A Comisión Técnica avaliará as solicitudes, de conformidade cos criterios e valoración que se determinan nas bases, e fará constar expresamente que da información que consta no seu poder se desprende que os beneficiarios cumpren todos os requisitos necesarios para acceder ás subvencións.

A proposta de resolución conterá a relación, na que se indicarán todas as persoas solicitantes que participan na convocatoria, o alumnado, renda per cápita anual, expediente, colexio, curso, concepto (libros, material escolar) e puntuación acadada e resolución de axudas, co seu estado de concedido, denegado ou lista de espera.

- Concedidas. Indicarase a subvención individual de cada persoa beneficiaria.

- Denegadas. Farase constar algúns dos seguintes motivos:

- \* A solicitude foi presentada fóra de prazo
- \* Non achegaron a documentación requirida
- \* Non estaren empadroados/as
- \* O/a alumno/a non está matriculado/a
- \* O/a alumno/a matriculado/a noutros centros de titularidade non publica
- \* O/a alumno/a percibe axudas para a mesma finalidade
- \* Supera os ingresos
- \* Outros datos

A Xunta de Goberno, tendo en conta a proposta da Comisión Avaliadora, acordará a aprobación definitiva das subvencións, con cargo á aplicación orzamentaria 326.480 do orzamento do Concello de Monterrei do ano 2019 por uns importes máximos de 3.000,00€.

O prazo de resolución non excederá dun mes contado dende a fin do prazo de presentación de solicitudes.

A resolución do procedemento notificaráselle aos interesados conforme ao previsto no artigo 40 da Lei 39/2015, do 1 de outubro, do procedemento administrativo comúns das administracións públicas.

---

## Concello de Monterrei

Rúa Fontiñas, núm 2, Monterrei. 32618 (Ourense). Tfno. 988418002. Fax: 988425700



Cod. Validación: 56C3N79H7KPHSYAJ5LCYMSL7S | Corrección: <http://monterrei.sedelectronica.es/>  
Documento asinado electronicamente desde a plataforma xestiona esPublico | Páxina 5 a 10



## Concello de Monterrei

---

O vencemento do prazo máximo sen terse notificado a resolución, lexitima aos interesados para entender desestimada por silencio administrativo a solicitude de concesión da axuda.

### Décimo segunda. Aceptación da subvención e compromisos

A subvención entenderase aceptada polo solicitante, se dentro do prazo de 10 días seguintes á comunicación da concesión non manifesta nada en contra.

Os beneficiarios das subvencións, unha vez aceptada estas, quedarán obrigados a destinar os fondos percibidos para o obxecto concreto para o que foron concedidas.

Os beneficiarios someteranse ás actuacións de comprobación e seguimento da aplicación da subvención e facilitarán canta información lles sexa requirida e aceptarán as seguintes obrigas:

1. Cumprir todas as normas establecidas nesta convocatoria.
2. Responder de veracidade dos datos da solicitude.
3. Comunicarlle ao concello de Monterrei calquera cambio que afecte á situación da persoa beneficiaria ou da súa unidade de convivencia.

### Décimo terceira. Xustificación e pagamento

Aboarase o importe da subvención concedida cando os beneficiarios a xustifiquen debidamente, coa presentación da seguinte documentación:

- Factura orixinal do gasto realizado. En cada factura deberá figurar, cando menos, os seguintes datos: CIF ou NIF do establecemento, nome do titular do establecemento (empresa/apelidos e nome), datos do establecemento (denominación comercial, enderezo completo, concello e provincia), data e número de factura, tipo ou tipos impositivos aplicables nas operacións (base imponible e IVE do total da factura desagregada, detalle da compra/concepto e titular desta: pai, nai, titor/a ou persoa solicitante.

- Declaración formal, asinada polo representante, de todas as axudas solicitadas e concedidas para a mesma finalidade doutras administracións públicas ou privadas.

### Décimo cuarta. Forma e prazo de pagamento da subvención

O pagamento realizarase mediante transferencia bancaria no número de conta que figura no formulario da solicitude, xunto coa documentación que nel se require.

O importe para xustificar non será inferior en ningún caso ao 100% do importe da subvención concedida; noutro caso, reducirase a axuda ata o importe xustificado.

O importe da subvención concedida aboarase unha vez aprobada definitivamente, e previa xustificación dos gastos subvencionais. Non se realizarán pagos a conta.

### Décimo quinta. Prazo de xustificación da subvención

---

## Concello de Monterrei





## Concello de Monterrei

---

O prazo máximo para xustificar a subvención será o 30 de novembro de 2019.

### Décimo sexta. Reintegro de subvencións

As causas de reintegro da subvención serán as que se determinan no artigo 37 da Lei 9/2007, do 13 de xuño, de subvencións de Galicia.

### Disposición final.

En todo o non disposto nesta convocatoria, haberá que aterse ao disposto na Lei 9/2007, do 13 de xuño, de subvencións de Galicia, Lei 38/2003, xeral de subvencións, Real Decreto 887/2006, do 21 de xullo, polo que se aproba o Regulamento da Lei Xeral de subvencións e as bases de execución do orzamento do Concello de Monterrei.



Cod. Validación: 56C3N79H7KFH5YA5JLC.YMSL7S | Corrección: <http://monterrei.sedelectronica.es/>  
Documento asinado electronicamente desde a plataforma xestiona esPublico | Páxina 7 a 10

---

**Concello de Monterrei**

Rúa Fontiñas, núm 2, Monterrei. 32618 (Ourense). Tfno. 988418002. Fax: 988425700



## Concello de Monterrei

### ANEXO I

#### AXUDAS PARA A ADQUISICIÓN DE LIBROS DE TEXTO E MATERIAL ESCOLAR. SOLICITUDE

##### DATOS DA PERSOA SOLICITANTE

DNI	Nome e apelidos

##### DOMICILIO

--

##### DATOS DE CONTACTO

TELÉFONO	CORREO ELECTRÓNICO

##### DATOS DO ALUMNO PARA O QUE SOLICITA A AXUDA

NOME E APELIDOS	DATA DE NACEMENTO

##### ESTUDOS QUE REALIZA NO CURSO 2019/2020

- INFANTIL
- PRIMARIA

##### NOME DO CENTRO

--

##### DATOS BANCARIOS

##### IBAN

--

Monterrei, ..... de ..... de 2019

ASDO.:.....

**Concello de Monterrei**

Rúa Fontiñas, núm 2, Monterrei. 32618 (Ourense). Tfno. 988418002. Fax: 988425700



Cod. Validación: 56C3N79H7KFH5YA5JLCYMSL7S | Corrección: http://monterrei.sedelectronica.es/  
Documento asinado electrónicamente desde a plataforma xestión esPublico | Páxina 8 a 10





## Concello de Monterrei

---

### ANEXO II

D./D.<sup>a</sup> \_\_\_\_\_

co DNI nº \_\_\_\_\_, con domicilio \_\_\_\_\_

En relación coa axuda económica concedida polo concello de Monterrei, destinada a financiar a adquisición de libros de texto e material escolar para o curso 2019/2020, DECLARO baixo a miña responsabilidade:

1. Que non incorro en ningún dos supostos previstos no artigo 10 da Lei 9/2007, do 1 de xuño de subvencións de Galicia.
2. Que estou ao corrente das miñas obrigas fiscais do co concello de Monterrei, coa Axencia Estatal de administración Tributaria, coa Xunta de Galicia e coa Tesourería Xeral da Seguridad Social.

Monterrei, ..... de ..... de 2019

ASDO.:.....

---

**Concello de Monterrei**

Rúa Fontiñas, núm 2, Monterrei. 32618 (Ourense). Tfno. 988418002. Fax: 988425700



Cod. Validación: 56C3N79H7KFH5YA5JLC.YMSL7S | Corrección: <http://monterrei.sedelectronica.es/>  
Documento asinado electronicamente desde a plataforma xestiona esPublico | Páxina 9 a 10



## Concello de Monterrei

---

### ANEXO III

D./D.<sup>a</sup> \_\_\_\_\_

co DNI nº \_\_\_\_\_, con domicilio \_\_\_\_\_

En relación coa axuda económica concedida polo concello de Monterrei, destinada a financiar a adquisición de libros de texto e material escolar para o curso 2019/2020, DECLARO baixo a miña responsabilidade:

Que foi cumprida a finalidade para a que se otorgou a subvención concedida.

- Que non teño solicitado, nin concedido, nin están pendentes de resolución outras subvencións ou axudas das administracións públicas competentes ou calquera dos seus organismos, entes ou sociedades, para o mesmo concepto que o solicitado nesta subvención.
- Que teño solicitado outra axuda económica para a mesma finalidade.
- Que teño concedida unha axuda por importe de \_\_\_\_\_ €

Monterrei, ..... de ..... de 2019

ASDO.:.....

---

**Concello de Monterrei**

Rúa Fontiñas, núm 2, Monterrei. 32618 (Ourense). Tfno. 988418002. Fax: 988425700



Cod. Validación: 56C3N79H7KFH5YA5JLC.YMSL7S | Corrección: <http://monterrei.sedelectronica.es/>  
Documento asinado electronicamente desde a plataforma xestiona esPublico | Páxina 10 a 10